

平定兩金川方畧

二

一

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

卷之二

平定兩金川方畧卷之五十一

二月辛巳。阿桂明亮奏言。查納圍山右面溝內。樹林深密。向係官兵砍伐柴薪。取雪融水之所。二月初七日早間。經巡哨官兵見有賊人踪跡。卽派兵設伏。先令一二人。作爲取柴下山。果有賊七八十人自林中出。銜尾潛行。欲圖搶掠。設伏官兵衝出。擊斃十餘人。餘仍穿林奔去。入礮

踞守。其納札木兩旁林莽。亦有賊番潛伏。經官

兵衝擊。殺死十餘名。初十日臣等派令官兵督

同革布什咱嚕密章谷土兵下溝搜捕。又有賊

數十人藏匿。一見官兵。踉蹌分竄。查官兵於納

扎木靠西山梁峯築石卡。距賊雙碉甚近。而欲

繞出其後。必經此碉之旁。賊番因官兵愈近。守

禦愈嚴。必須大礮轟摧。使賊碉殘毀。始可趁勢

攻撲。今將新鑄大礮。運至靠西山梁。施放賊礮。已多孔穴。且時見有賊人隨礮轟去者。而現在銅筋短少。將前此炸裂之礮。鎔化改鑄。於十一日復鑄成大礮一位。送上山梁。由納圍正面合力轟擊。日內當益見頽隳。即可奪礮采入。奏入。

報

聞。

同日。阿桂奏言。二月初八日。準溫福來咨。以現
奉

諭旨。令籌辦駐防丹壩事宜。其松潘鎮總兵五福。是
否可以調往。查防範賊酋竄逸。事關緊要。但五
福所辦降番。係由別斯滿美諾南抵卡丫約咱。
又加以汗牛一路。寨落隔遠。戶口繁多。必須五
福辦理。方爲妥協。而董天弼久在川省。雖於各

土司原委。頗爲諳悉。但前隨阿爾泰辦事。意存

姑息。不能壓服。土司非綽斯甲布等所敬服。丹

壩與之接壤。實非所宜。至丹壩一路。有兵一千

數百名。加以本地番民。不但堵截賊酋。並可審

度形勢。隨時攻擊。自非明幹之員。不能勝任。五

福年力方剛。爲人明白勇往。丹壩土司。又係松

潘鎮所屬。若令帶兵往駐。自爲得力。現左臣等

督兵分剿金川三路形勢。雖各不同。然於賊酋
緊要門戶。尚未摧破。此時未必卽爲逋逃之計。
且劉秉恬等所調川兵。約至美諾。亦尚需將日
臣等一面奮力進攻。一面催令五福將降番迅
速查辦。並咨明劉秉恬酌量該鎮應行起程時
卽令帶兵前往。奏入。

上諭軍機大臣曰。前因計及逆酋當窘蹙之時。必由

丹壩搶掠。逃往郭羅克。曾諭董天弼帶兵防截。嗣
溫福奏請令五福前往。彼時因董天弼於番地較
爲練習。故令其仍遵前旨。今阿桂奏稱董天弼從
前辦理番情。意存姑息。不能壓服各土司。是董天
弼於丹壩駐防之事。實非所宜。至五福。朕雖未能
深知其人。卽據溫福阿桂等奏其明白勇往。年力
正壯。自可望其得力。已如阿桂所請行。著再傳諭

平定西金川方略卷之五十一 四
五福奉到此旨。卽速起程。務須實力奮勉。加意防
範。並善爲駕馭該處番衆。勿令驚疑。

同日溫福海蘭察奏言。數日以來。臣溫福督率

官兵。攻撲功噶爾拉賊碉。屢經直抵碉根。而牆

堅凍滑。難期得手。臣等竊思賊番如此負隅。若

拘定此處進攻。實爲非計。查昔嶺一路從前由
喀爾薩爾前往。計程尚有三站。今若從額森特

所經固木卜爾山。進抵木果木。雖山路陡仄。冰
凌亦滑。然量爲修闢。大兵行走。尚爲近捷。臣溫

福自應從此路先赴木果木。親加察看以定籌
辦之局。當於二月初十日丑刻起身。鑿冰開路。

一日卽抵木果木。查額森特現駐昔領之下。離
賊寨甚近。礮力可到。現運大礮二尊轟擊。由木
果木山梁回看功噶爾拉了口。反在背後。自了

口以下。中間有巴都智固德爾拉三卡。過此方
抵喀爾薩爾。均可指數。賊番防禦甚嚴。其木果
木之前。有山腿三條。俱經官兵佔據。由儘北一
股而下。卽係昔嶺山脚。賊亦設卡守禦。其中一
股。可至色爾里寨。傍南一股。過溝爲喀爾薩爾
賊寨。正功噶爾拉賊番後路。是木果木官兵已
繞出喀爾薩爾之外。雖噶拉依尚隔山溝。據各

番人指點方向。相去約不過四五十里。臣溫福

臣海蘭察與各領隊大臣提鎮等悉心商酌。俱

以由昔嶺進兵爲便。臣溫福當卽移營至木果

木督辦。惟是大兵由功噶爾拉了口北邊進抵

木果木大營。一路山梁綿亘。逼近賊番。其中如

簇拉角克溝形勢尤關緊要。必須卡兵聯絡。以

資防堵。卽功噶爾拉雖未易攻。亦須留兵以綴

賊勢。其功噶爾拉之附近山梁。官兵卡座。均應

督率稽查。後路方爲嚴密。臣等通盤籌畫。功噶

爾拉派提督李煦。副都統常保住帶兵三千名

防守。仍似大兵在彼時。晝夜摧擊。使賊人不得

他顧。其木果木北面山梁。派侍衛德爾森保副

將多隆武等。帶兵一千二百名防駐。簇拉角克

一帶。派總兵張大經帶兵五百名防駐。後路臺

站糧迎。彼此接應。度幾迅擣賊巢。不至耽延時日。

同日。溫福又奏言。查兵丁脫逃。罪難寬宥。大兵采入之時。尤宜法律嚴明。以警疲玩。計自進剿以來。甘肅陝西貴州兵丁間有脫逃。爲數甚少。惟川省兵丁。自上年至今。逃者多至八十餘名。新募居其大半。推原其故。前歲川省招募新兵。

六七千名。維時用兵之始。有業民人不願投充。

其應募來者。均係遊手無賴之徒。在地方承辦

文武各員。急於調發。未能逐一推求。得其平日

踪跡。此等新兵初抵軍營。攻撲直前。似頗得力。

歷時既久。故態復萌。遂致潛行逃逸。臣據各營

具報。立即咨行本省督提。及隨營糧員。并軍需

局。嚴飭各臺站。並內地州縣。速緝務獲。但口外

深林密箐。易於藏匿。且夜行晝伏。穿爬山徑。而營弁站員。接仗運糧。各有專司。勢不能兼司。搜捕。至進口以後。或潛踪本籍。或竄往他鄉。或改易姓名。充當別路站夫。均所不免。臣今日詳加

體訪。惟於各關隘。特派文武幹員查緝。如西路汶川縣以外。卽係瓦寺之境。界以大河。必須從桃關及汶川之兩索橋行走。三雜谷一帶。必從

五定回金川方略卷之五十一
八
維州二道橋行走。木秤一路。必由扎德關南路。必過瀘定橋。此外卽或有山僻小路。然臣詢之。熟悉路徑之人。均稱亦止一二處。易於堵截。應

請

旨勅下督臣。令各路關津隘口。派撥文武員弁稽察。疎縱者嚴叅治罪。獲冬者量加鼓勵。如此辦理。則各兵皆知難以倖逃。自不敢効尤成習。均奏

入。

上諭軍機大臣曰。功噶爾拉路險碣堅。旣難立時攻克。自不宜在彼株守。若能設法將昔嶺賊碣攻破。可徑至噶拉依。自較爲便捷。今溫福留兵在功噶爾拉。以綴賊勢。而自領兵至木果木。會合海蘭察。稱併力攻勦。自屬勝算。但據其地與噶拉依尚隔山溝。坡坎甚大。而番子等指點方向。大約不過四

五。十。里。等。語。所。指。固。屬。近。便。第。番。性。詭。狡。叵。測。其
言。未。必。盡。出。誠。心。不。可。輕。信。溫。福。等。若。攻。得。昔。嶺。
自。應。卽。擣。噶。拉。依。其。進。兵。之。路。必。須。偵。探。明。確。方
可。來。入。慎。勿。爲。番。衆。所。愚。至。溫。福。進。兵。後。路。雖。派
李。煦。等。帶。兵。分。守。但。其。經。由。之。路。似。在。小。金。川。之
境。居。多。而。簇。拉。角。克。形。勢。尤。關。緊。要。恐。總。兵。張。大
經。防。駐。尚。不。足。濟。事。著。劉。秉。恬。於。帛。噶。爾。角。克。簇。

拉角克等處。軍營適中最要之地。蔣美諾現有兵
內帶領五百名。前往駐守。則聲勢更大。即可資聯
絡。應援之益。而後路之防範亦更得力。又另奏嚴
緝逃兵一摺。著交與劉秉恬嚴密辦理。至各關隘
派員查緝。均須明幹能事之人。恐川省人員尚不
敷派委。現派軍機大臣會同吏兵二部揀選知府
以下。知縣以上。及叅遊都守等官。文武各十數員。

發往川省。以備差委。伊等未到之前。著劉秉恬就
現有人員內酌量調派。仍將作何防緝之處。附摺
具奏。

臣等謹按大兵進剿。軍糧器械均在後路。必
須防衛嚴密。布置周妥。方無返顧之患。其新
降番衆所言。難以輕聽。我

皇上於未事之先。卽以進兵後路。多在小金山之內。

諄切

劄訓。丁寧再三。蓋小金川本金川同類。歸附之初。反側未定。是以

特爲指諭。使軍營由此熟計兼籌。毋爲番衆所愚。所以思患而預防者。至深且遠矣。

同日阿桂奏言。查索諾木凶頑悖逆。當滅亡在卽。猶敢肆其狂吠。前來投稟。臣詳察賊情。蓋因

大兵四面環攻。勢難久禦。轉爲誇大之詞。希冀
或寬誅戮。是其詞愈誇。適見其心愈餒。而其狂

悖愈見。則愈爲天理所不容。其取死亡亦必愈

速。臣前此進抵當噶爾拉。以賊酋本與蟲蟻無

異。惟當盡力勦擒。不直更通言語。當飭各營弁
兵。並屯土各兵卡。如有賊番叫喚。均卽用鎗擊
打。一切置之不理。惟於前月二十五日接仗時。

有賊番叫問新降番衆。我們皆係自家骨肉。何以如此替官兵出力。臣令降番等告以我們自投順。

天朝。碯房地畝。絲毫不動。其派出打仗之人。每日皆給口糧。不須婦女餉送。所有餘存鹽菜銀兩。並可帶回家用。在家之人。仍得照常耕種。且陣亡者。給有念經銀兩。受傷者。又有養傷銀兩。多殺

金川一人又多蒙一分賞賜緣何不肯出力。賊

番聞此俯首無辭似覺心動。時有賊目見此光

景卽舉矛桿驅戰我兵望見真切遂放鎗將賊

目二人擊斃此外並未更通一語是以賊人無

從再來投稟。臣今已分路進攻惟有堅持必滅

之志。剋期深入。至兩金川及鄂克什三雜谷丹

壩韋布什咱綽期甲布巴旺布拉克底各番人

俱係跣足披髮。步行山箐。謂之甲壘。其德爾格
忒麻書章谷納林冲等番人習於馬上。風俗與
蒙古相似。謂之霍爾。族類各殊。本非一種。今旣
殄滅。小金川起自雜谷。腦南達打箭爐。官兵已
橫亘於甲壘諸部之中。其在金川右界者。維綽
斯甲布一土司。北界者。惟從噶克丹壩兩土司。
賊酋索諾木等。卽窮蹙竄往綽斯甲布等處。以

臣愚見各土司斷不敢留而霍爾各部非其同類更不肯容情藏匿若逃往郭羅克中間尚隔丹壩從噶克境此各土司亦必無任其逋逃之理。至郭羅克有上中下三部落內惟中郭羅克土千戶瑪克蘇爾滾布素不安分然戶僅數百。設索諾木等逃入其境現在兵威辦理非難。茲

蒙

訓示精詳。令派兵往駐丹壩。先事預防。賊酋更無從
兔脫。而丹壩於現有漢土兵七百名外。再添一
千一百名。實可分綴賊勢。於征剿之局。更爲有
益。總之逆酋等罪惡貫盈。神人共憤。一俟剿洗
金川。則兩逆酋斷無逃死之處。必能駢縛生擒。
以彰顯戮。奏入。報

聞。

同日。劉秉恬鄂寶奏言。臣劉秉恬前在布朗郭

宗。聞將軍溫福帶兵數千自功噶爾拉越山。由

簇拉角克溝繞道進取昔嶺。隨飭兵役等及附

近番民。趕運米一百餘石隨營前進於二月初

一日早。送至叅贊海蘭察營盤。其功噶爾拉轉

運之糧。亦於是日晚間趕到。臣等復查昔嶺軍

糧。正月二十八日。由功噶爾拉送過米九百石。

二月初六日。又運米九百石。以米數核計兵數。

已可無虞。缺乏。至功噶爾拉軍營。現存米三千餘石。足敷日食。及裹帶之需。當噶爾拉軍營。現存米一千餘石。又由木坪一路。運到僧格宗米二千餘石。自可源源接濟。綽斯甲布一路。據知府盛英稟稱。截至二月初二日。存米六千餘石。丹壩一路。亦已辦有就緒。一俟該處餉道通行。

所有打箭爐以內臺站。卽可裁撤。以歸節省。再
臣等聞溫福帶兵數千。前赴海蘭察軍營。兵數
加增。道路愈遠。卽派委營弁查探該處路徑。
並令建昌道白瀛酌量此處情形。妥協籌定。臣
等將一切接應事宜。加緊辦理。預期軍行迅速。
早奏膚功。奏入報。

聞。

同日劉秉恬又奏言。臣欽奉

欽奉

諭旨。於回至美諾後。卽差弁前往功噶爾拉。當噶爾
拉二處礮局。逐一詢查。據管理功噶爾拉礮局
官員稟稱。現在軍營內除原有大礮二位外。已
另鑄大礮六位。又於雅州調取銅一萬觔。不日
可到。惟生鐵二千餘觔。未能敷餘等語。臣查生
鐵係礮子所需。最關緊要。當卽行文催運。復思

美諾寨內有大兵從前進攻時被賊檢存生鐵礮子計五千餘觔。送往軍營。可應急需。業已撥夫迅送至當噶爾拉軍營。現存舊礮四位。新鑄大礮三位。內有二位近經炸裂。又需另鑄查功噶爾拉炭窑。頗爲充足。美諾明郭宗等處積有舊存炭一萬二千餘觔。儘可撥應當噶爾拉之用。其銅觔一項。據臬司李世傑已行文雅州所

屬之榮經清溪等處。趕緊辦解。臣復加嚴催可

期無悞。又美諾寨內有搜獲破損銅器。計重一

千三百餘斤。臣將此項銅器運交當噶爾拉營

中。添補鑄礮。再查川省產銅。雖不若雲南之富。

然雅州素有銅廠。若僅調用二三萬斤。尚屬裕

如。且由木坪運至軍營。道路亦較省城稍近。所

有錢局銅斤。似可無煩借用。奏入報。

聞。

癸未。

上諭軍機大臣曰。昨溫福奏功噶爾拉賊碉難以立
時攻破。因帶兵至木果木山梁會同海蘭察等攻
勦昔嶺。而派德爾森保多隆武李煦當保住等各
帶兵分駐等語。溫福相度機宜。故爾分兵另勦。朕
按圖察看我兵業已罕人。後路各處均關緊要。賊

匪本屬狡詐。不敢明爲接仗。或乘間由大兵之後。前來偷襲。亦不可知。殊爲厯念。德爾森保。多隆武。旣派令防守木果木之北面山梁。此一帶卽伊等專責。倘賊棄碉突出。殺之甚易。若傳諭德爾森保等。時刻留心瞭望。毋稍忽畧。致干咎戾。其功噶爾拉碉卡。久經溫福進攻。自不可忽然中止。致賊酋知我分兵。但仰攻較難。而賊衆伺隙壓下。頗易。且

竊劫營寨。是其長技。尤不可不防。李煦及常保住
在彼照常轟擊。不過牽綴賊勢。原非藉其果能攻
克。但駐兵三千。儘足以資防守。倘有疏虞。則李煦
等之獲罪不小。著傳諭伊等。務須實力奮勉。勿自
貽悞。昨已諭令劉秉恬帶兵五百。於帛噶爾角克
簇拉角克等處駐守。此兩處距木果木後山梁不
遠。而功噶爾拉地方。劉秉恬又曾親至其地。照應

均爲便易。著劉秉恬於帶兵移駐之便。先往木果木後山梁及功噶爾拉兩處。察看情形。與德爾森保李煦等詳悉講論。如有應辦事宜。面爲商定。妥協調度。仍卽據實覆奏。以慰厯念。總之不責伊等以致勦。而責伊等以守禦。毋致溫福等有後顧之慮。是卽伊等之功。勉之。慎之。

臣等謹按書曰。惟事事乃其有備。有備無患。

春秋傳曰。不備不虞。不可以師。善攻戰者。必
戰守禦。體察賊情。酌量地勢。分兵布置。如手
足之衛腹心。杜賊番窺伺之萌。折羣醜勾連
之計。所謂無恃其不來。恃吾有以待之也。自
進勦金川以來。後路軍臺糧道。一切防範機
宜。悉荷

聖明指示。至溫福移營木果木之後。尤厯

宸衷屢頒

明旨。既貴成所派侍衛鎮將。復令督臣駐劄適中之地。察視險隘。詳悉講論。

聖心周密無以復加。而揆幾審勢皆在未然之先。於此仰見

聖謨之廣運焉。

甲申。豐昇額舒常奏言。臣等連日趕鑄大礮施

放甚爲得力。忽於旁午時炸裂。隨鑄成食二十

斤子大礮一位。與去冬所鑄食十六斤子之礮

接續轟擊。因賊番所處山勢陡險。而礮又峙其

顛。礮臺雖高。終不能與礮根相等。乘此士氣奮

揚。間道進攻。庶可早爲集事。臣等公同議定。分

兵三路。派侍衛富爾賽巴三泰等。由達爾圖大

礮正面進攻。侍衛彰靄佛倫泰等。由大礮之東

西進攻侍衛烏爾圖納遜提督馬彪等帶兵接
應。各路官兵至十二日黎明。一齊擁上衝至山
梁。賊番從碉卡中放鎗擲石。官兵益奮勇向前。
賊番見勢甚急。有由碉卡溝濠內露身逃出者。
俱被官兵擊斃。賊更畏懼伏匿。僅由洞眼施放
鎗石。臣等令佛倫泰等帶兵五六百名。穿入密
林向西橫進。作取逕欲上之勢。賊番信以爲實。

驟有二三百人從達爾圖山梁前來向西抗禦。復得擊斃賊三十餘人。此次打仗漢土弁兵間有傷亡其三雜谷土兵此綽斯甲布土兵較爲實心出力奏入。

上嘉之。

同日豐昇額舒常又奏言。臣等接奉

聖訓令於甲爾龍壩分兵進攻牽綴賊勢別達爾圖

山梁或易乘機而取。臣等查甲爾壘壩及正地

原係進兵之路。但自宜喜軍營取徑前往。尚須

七日。非若日旁之與達爾圖相距止六七十

易分賊勢。况現在漢土兵丁。除派撥駐守之外。

祇有一萬一千餘名。分爲三路。兵力稍單。若將

日旁官兵撤回。令往甲爾壘壩。又恐逆酋知覺。

亦調其日旁守禦之人。併至達爾圖抵拒。未便

輕議移撤。今探得日旁山後有路。進攻較易。前次阿桂撤回正地兵內。

奏撥一千餘名。添赴宜喜。約數日間可到。臣舒常

卽帶此兵丁。並宜喜舊兵千名。夜間潛往日旁會合音吉圖永平等。由新探之路。擊其不備。臣

豐昇額現亦設法攻取。總之此兩路如一處得手。卽可併力直進。奏入。

上諭軍機大臣曰。豐昇額等奏擊礮殺賊情形。甚屬奮勉。惜殺賊甚少。不能解恨。至所稱大礮炸裂一節。前日阿桂軍營亦然。此必趕鑄太急所致。礮固爲軍營急需。然必如法成造。方可經久。若過於催趨。火候人工未到。雖取便一時。不能適用。及至損裂。另鑄。轉稽時日。各軍營皆不可不知。至礮旣炸裂。我放礮守礮之兵。自不能保無傷損。該二處礮

裂時。曾否傷人。並著阿桂、豐昇額等查明。據實具奏。又另摺奏擬令舒常帶兵前往日旁擊其不備。豐昇額仍由達爾圖一帶設法進攻。所籌甚好。豐昇額、舒常各宜努力制勝。佇聽捷音。

同日。豐昇額、舒常又奏言。查三雜谷土兵於正月二十八九等日。在丹壩渡河。臣等恐稽時日。

令都司李天貴前往。駕馭工噶諾爾布。派出皮

船並駕竹筏。以資過渡。所有土兵一千五百名。
已於二月初五日全數到營。再初九十一等日。
有賊數十人潛圖劫掠取薪汲水官。兵經侍衛
佛倫泰等率領官兵。並三雜谷土兵。由密林內
壓下。殺死十餘名。臣等酌加獎賞。以示鼓勵。奏
入報。

聞。

同日。豐昇額又奏言。臣。去年從西路帶來之領

隊大臣。現俱照舊管隊。惟陝西甘肅官兵。尚未
有領隊之人。今福康安自京送印抵營。應即將
前項官兵。令其管領。奏入。報。

聞。

丙戌。

上諭軍機大臣曰。虎兒等供。攻克背嶺礮座。分路而

下。右手即可抵勒烏圍。中間只隔數寨。並非險要。其左手可抵噶拉依。中間雖有色爾里地方。然在此架礮。便可直打噶拉依。此路進兵最便等語。是溫福現在進攻之昔嶺。甚爲扼要。易於得手。未知近日情形若何。盼望捷音甚切。但此一路與賊境相通之處頗多。恐賊匪潛出。大有關係。昨已傳諭李煦德爾森保兩處。加意防範。並諭令劉秉恬帶

兵適中駐守。與伊等妥籌調度。溫福等亦當一體留意。將此傳諭知之。

同日。溫福奏言。查大兵進剿。後路糧運。最關緊要。屢蒙

皇上訓示諄切。臣等無不凜遵防範。以免疎虞。今綽

斯甲布一路各站。乃有賊番潛來搶掠糧石牛馬之事。自應留心防察。而該處所派後路之兵

是否足敷防剿。豐昇額必當妥協經理。臣查綽

斯甲布一路。原派兵有九千餘名。嗣豐昇額由

布朗郭宗帶往六千。臣近閱阿桂摺稿。知撤回

正地官兵。又分撥一千一百餘名。前赴綽斯甲

布。是該處前後已共有兵一萬六千餘名。惟是

現存進剿兵若干。臣實無由深悉。臣身任將軍。

統兵討賊。不論何路得利。均屬有益。斷不敢稍

存畛域之見。但自功噶爾拉至木果木一路。崇
山仄嶺。密箐深溝。經由一百二十餘里。在在險
要。如張大經。靜海。多隆武。分駐各處。少者留兵
一千餘名。少者數百名。現在佔據各山。及調遣
打仗之兵。實不能再行抽減。臣查川省額兵共
有二萬六千餘名。今三路軍營現有川兵。不過
一萬二三千名。所存尚有大半。雖有一切塘汛

及別項差使亦不須如此之多。臣現已扎知劉秉恬查明酌調。可得若干。卽就近撥赴綽斯甲布備用。較從他省檄調。自屬便捷。奏入報

聞。

同日溫福奏言。臣欽奉

諭旨詢及金川設機發石之法。臣向聞賊番等有此法而未見用。至其臨陣所恃以抵禦者。多用石

塊。蓋緣番地處處皆山。官兵攻進之際。賊番踞

上瞰下。一望了然。又於坡巒曲直縱橫之勢。素

所熟悉。是以將甚便之石塊。手拋足撥。皆可傷

人。因高乘勢。石塊互相搏擊而下。所及竟可至

數百步數千步之遠。甚至於懸崖陡礮之處。以

繩繫木為欄。積石其間。一俟官兵將進。截繩放

石。萬千齊下。最難防備。是以每遇攻擊。或覓間

繞進。必令官兵先審形勢。方不至於受虧。至於
仰撲礮寨。須用礮力轟擊。使賊番匿不敢出。無
從施放鎗石。然後官兵陸續爬上。得至礮前。奏
入報。

聞。

已丑。溫福、海蘭察奏言。臣等相機攻勦昔嶺。每
日帶同領隊各員。登高瞭望。詳察路徑。卽欲整

兵前進。乃自十五日夜間大雪。至十九日未止。
存積甚深。難於行走。攻擊恐未便利。現在盡力
用礮轟摧。日來昔嶺礮卡。漸有損壞。但大兵至
木果木已四五日。爲雪所阻。未得進發。臣等實
不勝焦急。奏入。

上諭軍機大臣曰。番地二月多雪。地氣使然。無足爲
異。今已交三月節候。日就暄和。此後雪當漸少。存

者亦當漸次消融。自不致久有阻滯。且溫福等實在設法進攻。賊番見雪大路險。料官兵難於輕進。因而防範稍疎。或可乘隙得手。亦未可定。轉不必過於焦急。再賡音素回京。面加詢問。據稱每次進攻。土練屯兵。甚爲出力。具見伊等誠心効順。溫福等遇有此等寔力奮勉之屯練人衆。各宜加以憐惜。常爲獎勵。益堅其奉公勇往之忱。至阿桂一路。

是否亦多大雪。官兵進取若何。甚為慮念。豐昇額
一路。分兵進勦。亦未知即能得利與否。並著迅速
具奏。

平定兩金川方畧卷之五十二

二月庚寅阿桂明亮奏言。臣等進攻當噶爾拉

山梁。督率官兵將新鑄礮位。晝夜上緊轟擊。數

日以來賊番知官兵搜剿嚴密。難以輕犯。不敢

出礮。至納札木一路。臣等復令德赫布等將營

盤礮臺向前設立。距賊礮不過一箭有餘。度其

必來衝壓。正可痛加殲戮。而賊番僅於礮內放

鎗死守。臣等督飭工役復造大礮三位。運至納

圍。納扎木各山梁。分頭摧擊。使賊不知將從何

處進攻。即可乘其罅隙。爲殺賊奪礮之計。現今

賊礮已漸頽毀。惟是山勢旣高。雨雪愈甚。雲霧

迷漫之際。賊礮至近。亦時不能見。加以坡壩陡

窄。路滑泥深。兵力更難施展。俟天氣稍晴。卽當

督兵攻撲。現在兵氣奮揚。卽土練等亦人人各

思自効。自不難於乘機深入。奏入。

上諭軍機大臣曰。阿桂等奏用礮轟擊賊碉。已漸頽毀。因連日雪霧。稍俟晴霽。進剿等語。因思雪霧迷漫之際。我既不能時見賊碉。則官兵路跡。賊亦不能窺伺。若乘此時派兵潛往。攻其無備。或因而得手。亦未可知。前此西師恢復瓦爾齊時。曾因霧得勝。溫福阿桂皆所深知。自可倣用其法。但番境坡

平定回疆方略卷之三十三
二
陡徑仄兼之。近日雪深冰凍。與西陲之地。可以馳擊者不同。則又當各就形勢妥辦。不宜冒險輕進。將此傳諭溫福等。與彼詢商。伊等務悉心斟酌。以期萬全。勿因朕有此旨。稍事勉強遷就也。

同日。阿桂明亮奏言。二月十三日。僧木則頭人阿開將脫出之小金川人安都爾送至當噶爾拉。臣等問以如何脫出。據稱金川頭人派人往

僧木則偷放夾壩。令我帶路。行至相近。僧木則
地方。誑說探聽先行。遂投至族叔頭人阿開寨
內等情。臣等復問以金川百姓情形。又稱金川
各寨糧食極貴。小金川逃往之人。饑餓不堪。俱
欲逃出。其金川百姓。各知索諾木等肆行狂悖。
爲王法所必誅。人人有畏死之意。正等揣度賊
情。金川地境。四面環山。各路官兵。初辦雖覺其

難。然人心惶懼。耕作漸荒。若攻破一兩處。後則其瓦解之形。必與小金川無異。所有該番安都爾。卽留在軍營供役。並仍加意防範。奏入報

聞。

癸巳。豐昇額舒常奏言。查宜喜軍營。離水甚遠。向俱以雪煎水。恐至天氣漸暖。卽有無水之虞。探得達爾圖之西。賊據水泉二處。臣等於二月

二十日五鼓。乘風雪迷漫之際。分兵三路。潛至其處。合力奮攻。賊番潰散。傷斃甚多。賊以水卡失去。旋分三隊衝來。又被礮擊死四十餘人。餘俱帶傷。竄入深箐。官兵一面搜殺餘賊。一面將泉佔據。此後汲飲有資。軍心安帖。而賊番取水艱遠。自難久持。至臣舒常於二月十七日夜抵日旁。駐營近林低處。使賊不能窺見。次日細詢

繞進夾攻之路。約百餘里。處處設有礮卡。臣商

之音吉圖永平等。當乘兵力初增。賊番未知速
爲一舉。以期得手。卽派侍衛進財保等。由日旁
山之南潛進。奪其水卡。又令副都統永平等。由
山梁正路。攻取大礮。並派兵各持土袋。以備填
溝之用。賊聞兵至。施放鎗礮。勢如雨下。官兵難
以久立。正在撤退間。賊番百餘。下山接應。官兵

直前接仗。殲十數人。餘各逃竄。查日旁形勢。較之達爾圖。尚屬稍易。現在飛調銅筋。趕鑄大礮。相機籌畫。以期必克。奏入。

上諭軍機大臣曰。豐昇額等奏乘風雪迷漫。攻得賊番水泉二處。所辦頗合機宜。此賊竟敢接應支拒。甚屬可惡。自須急用礮力轟摧。以便乘勢攻取。不知近日曾續鑄得大礮否。豐昇額等於努力奮往。

之時。仍宜留心慎重。期於萬全制勝。

丙申。阿桂明亮奏言。臣等前此移營逼近賊碉。

用礮轟擊。因遇雨雪連綿。稍稍進取。茲於二十

四日。畧見開霽。遂卽分兵四路。均於二十六日

于時以後。陸續進發。三寶綏庫等帶兵潛至碉

前。察看碉外有牆。牆外有濠。濠外復有木欄。守

禦重疊。卽督官兵拔開木欄。躍過深濠。推倒石

牆賊番放鎗。拋石抵死拒守。官兵奮勇不顧。直前貼近。礮根轉爲賊鎗。所不及。賊知放鎗無益。擲石下擊。維時天色漸明。官兵見露身。擲石之賊。卽舉長矛向戳。並用箭仰射。隨將礮根挖開。洞穴。拋入火彈。礮內共有三層。火彈所及。僅在下層。不能得力。官兵復身帶火彈。卽於礮角奮勇攀登。墜下復上。將火彈拋上。礮頂其上。排有

橫木鋪設石板塗以泥土。火彈亦不能燒。官兵憤切。又將北面礮根刨挖拆毀。礮內賊衆共有五十七人。一時殲戮無遺。並將頭人克鄂殺死。其躍出礮外賊番六人。官兵斫死三人。鎗擊墮入山箐雪窖二人。惟剩生口伊什一名。當將此礮佔什查所得之礮係自西而東之第五礮。其東面各礮內賊番前來接應。經官兵上前迎擊。

鎗斃二十餘名。仍退入迤東各礮固守。其靠西山梁一路。雖官兵所築石卡。距賊甚近。但賊礮據於高礮。其旁路徑曲仄。必須螺旋而上。及至礮根。又不能容數人並立。並無別路可以繞越。而賊番固守。鎗石如雨。其出礮拋石放鎗者。被官兵殺死亦二十餘名。攻至抵暮。始漸次撤回。
臣等卽令侍衛將弁等於佔據賊礮處所。設立

營盤並於三寶綏庫等原帶官兵一千數百名
外添撥陝甘兵五百名令總兵伊常阿協同駐
守以防偷劫。是夜三更後賊番果分兩路來攻
新立營盤。連撲五次。均被官兵擊退。伏查當噶
爾拉山梁大礮排列。俱於扼要之地。聯絡聲援。
守禦實爲嚴固。現今攻破中間一礮。斷其聯絡
之勢。但山樹陰森。道路叢雜。積雪倍深於陽坡。

尚未能竟絕其往來出入。臣等當設法繞截分

攻。使賊四顧不暇。自必不能持久。此次打仗。副都統博靈阿頰下著烏鎗傷。現在調養。奏入。

上諭內閣曰。阿桂等奏分兵四路奪碉殺賊情形。均屬奮勉可嘉。而三寶綏庫等率衆先登。尤爲勇敢。著交部從優議叙。阿桂明亮調度有方。其餘各將領亦俱出力。均著交部議叙。並著阿桂將在事將

領弁兵等實在出色。應加鼓勵者。奏聞交部分別查辦。所有陣亡及受傷官弁兵番。並著查明咨部。議加賞卹。其新降番衆。傷亡者亦殊可憫。著照土練傷亡賞卹之例。一體查辦。使伊等益知感激。用命。

上又諭內閣曰。三寶前曾在軍營出力。此次又復勇往立功。著加恩賞給副都統職銜。

同日阿桂奏言前奉

諭旨以糧員王嘉猷於泥峙岡途中遇賊應添派後

路防兵令

臣

等籌畫妥辦據溫福抄寄覆奏摺

稿內稱功噶爾拉一路原帶滿漢官兵一萬七

千餘名又各土兵四千餘名除分駐各處外現

存打仗之兵祇有六千餘名實不能抽減應仍

酌調川兵備用等語

臣

查當噶爾拉軍營漢土

官兵雖有一萬五千餘名。但應防後路既多。將
來攻進後。左右悉係賊寨。又須逐處留兵。現有
之兵。勢難抽撥。如巴旺布拉克底連界之馬爾
那馬奈。係乾隆十二三年進兵之路。與賊境在
在大牙相錯。必須設兵重鎮。於牽制之中。並寓
防範之道。今僅分漢土兵一千四百餘名。前往
駐守。其革布什咱地方。均與金川相連。今亦僅

留漢兵一千七百餘名分段巡警。以上各處防兵勢難再減。至綽斯甲布一路官兵合計共有一萬五千餘人。但近日分兵宜喜日旁兩處。節次臨陣損傷及病故者。詎復不少。誠如

聖諭。自不宜更爲抽撥。臣再四思維。如溫福議稱酌

調川兵。固爲近便。第川省上員在馬步兵共二萬九千五百餘名。除駐防西藏一帶臺站及分撥

塘汛一萬二百餘名外。其存營存城兵一萬九千二百餘名。計自前歲以來。分派西南兩路。實止存營存城四千三百餘名。川省幅員遼濶。且西南界均與猺夷番衆毘連。不可無兵彈壓。而各州縣嚙匪最多。須尤弁兵。查拏稽察。況卽此四千餘名。尚遇有運送火藥鉛丸軍械等項。尚須隨時遣派。前此劉秉恬董天弼。酌調川兵一

千六百名赴丹壩美諾。已覺難辦。此外自不便再調。且此等揀存餘兵零星攢湊。卽至軍營。恐亦不能得力。臣伏思黔省官兵西路原調六千。南路原調二千。今南路自去年五六月間卽已僅存黔兵一千一百餘名。懸揣西路原有之黔兵此時亦只可剩四千有餘。蓋黔兵本無餘丁。凡有陣傷亡故出缺。仍咨回本省募補。是原調

雖共八千。其實只有五千餘人。卽再調二千。尚與原調之數有減無增。況川省如夔州協等處。

距省二十餘站。而黔省之威寧畢節。卽與四川

永寧接壤。核其道里。與派調本省官兵程途不

甚相遠。以之派往綽斯甲布軍營。亦不致多需。

時日。但聞黔省新補之兵。幼稚俱多。恐技藝未

能嫻熟。如蒙

俞允請飭下黔省巡撫提督仍於舊兵內選派進勦
巡防始收實用奏入。

上諭軍機大臣曰阿桂奏請調撥黔兵二千名趕赴
綽斯甲布備用此時似可毋庸再辦前旨令熟籌
抽撥係指川省兵丁而言今川省已調派一千六
百名分赴美諾丹壩等處此外原無可再調至黔
兵雖尚得用但該省亦係苗疆需兵彈壓自不宜

屢有調遣。且川省現在各路官兵俱已深入。續調亦恐不及。或綽斯甲布一路實有必須添助兵力之處。朕又難於懸定。已諭令圖思德拜凌阿於黔省近川各營。現有舊兵內預挑二三千名聽候調撥。著傳諭溫福阿桂豐昇額彼此札商通盤籌畫。如果必需則一面調取一面奏聞。

上又諭軍機大臣曰。阿柱等奏此次打仗博靈阿顏

下鎗傷。雖云調養無妨。而朕心殊爲厯念。著傳諭阿桂等。將博靈阿所受鎗傷。曾否平復之處。卽行奏聞。

上又諭曰。騰越協副將斐慎。現在軍營帶領黔兵。打仗奮勉。著加恩陞署雲南昭通鎮總兵。俟續有功績。再行實授。

丁酉。溫福海蘭察奏言。臣等移營至木果木以

來。適值連旬大雪。未能進剿。茲於二月二十五

日天晴。臣等察看昔嶺。山勢陡險。賊碉環列。必

須攻破此處。方能直搗噶拉依。查此嶺碉卡雖

多。其據扼險要者。自東而西。共有大碉十座。第

十座之下。山腿之上。又有碉四座。牆一道。橫截

路徑。臣等公同等籌議。初次進剿。必須分兵進發。

攻奪要隘。大加殲戮。使賊番應接不暇。方為有

益。因卽酌量形勢。派撥官兵。分爲六隊進攻各
碉座。以及截路石牆。臣溫福帶領將弁督餘剩

官兵於總要地方接應。各路官兵均於二十五
日子刻攀援而上。丑刻已至碉前。賊番知覺。抵
禦甚急。我兵不避鎗石。奮力進攻。此內額森特
等所領攻取第九第十碉之兵。將火彈拋入賊
碉。乘賊番驚潰之際。一擁而前。有數賊出碉逃

竄官兵一面截殺。一面擠入碉內。殺賊四十餘名。餘俱被火燒斃。此二碉離海蘭察隊伍甚近。

臣海蘭察卽一同攻取。其各碉抵禦之賊亦經

官兵各有殲戮。臣等察看第七第八兩碉。比視

別碉較爲高大。地勢亦更險要。臣海蘭察與額

森特烏什哈達普爾普會同馬全阿爾素納合力連攻。自子刻迄申刻。於山巒冰雪之中往來

力戰。饑渴交并。不無疲憊。天色已晚。暫議撤回。
隨將所得兩礮。立時拆毀。臣等復思賊番詭計。
前此幫助小金川與官兵接仗時。每遇撤兵。先
於高處滾石。賊衆隨石衝下。此次正可借撤兵
之勢。誘其出礮。大加勦殺。因於山坳林箐間。派
兵設伏。果有四五百賊出礮衝壓。官兵有備。回
身奮擊。且伏兵四出。抄截趕殺。眼見殲賊一二

百人。餘俱踉蹌奔入碉內。此次打仗。雖未卽時
攻過昔嶺。而官兵奪碉殺賊。奮勇倍常。賊番自
應喪膽。奏入。

上諭內閣曰。此次官兵不避鎗石。盡力攻勦。均屬可
嘉。其中海蘭察額森特巴雅爾烏什哈達普爾普
馬全阿爾素納。尤爲奮勇出力。著交部從優議叙。
溫福董率有方。其餘將領。亦俱勇往。均著交部議

叙其官兵內有實在出色應加獎勵者。並著溫福查明分別咨部核辦。

同日。

上又諭內閣曰。溫福阿桂豐昇額等三路軍營自進剿金川以來。攻堅破險。所向克捷。固由領兵之人實心奮勉。調度得宜。而兵丁等亦均知勇往出力。甚屬可嘉。所有隨營打仗之各兵。及土練土兵番

聖朝金川方略卷之五十三
衆等。均著加恩賞給一月錢糧。以示鼓勵。其看營
守卡樵汲供役各兵。雖與衝鋒破敵者有間。而効
力軍營。亦屬勞勩並著。著賞給一月鹽菜銀兩。俾
得一體均沾恩澤。該部遵諭速行。

同日。

上又諭軍機大臣曰。溫福進剿情形。甚屬得勢。惟聞
進到圖內。其第九第十兩碉。雖已攻破。尚難據守。

而七八兩礮。又堅大不能卽克。或可從官兵所有
卡子處。添設營卡。斜連向上。與九十兩礮舊址相
接。以隔斷賊勢。或將五六兩礮設法攻取。卽從官
兵所有卡子處。添卡直上。以斷賊往來之路。其餘
各礮自難存住。就圖而論。自當如此辦法。今將圖
內用紙標記。可詢商溫福。若該處情形。能照此籌
辦。自爲便捷。如事不可行。亦不必因朕此旨。稍爲

平定回疆方略卷之五十三
二

勉強。至由昔嶺往噶拉依之路。俱有橫牆攔阻。其
牆不過賊番藉以聯絡攔蔽。與所築碉卡不同。用
礮轟摧。白當卽時頽圯。官兵就其破處。乘勢直進。
彼橫牆復何足恃。又閱舊有全圖內。布拉克底之
北。有地名曾達。可通噶拉依。其地已在河東。且圖
內路徑。似覺稍平。何不從此路進取。該處與阿桂
軍營相近。已將原圖內此一節繪出。寄交阿桂籌

辦。

同日溫福又奏言。查簇拉角克一溝。其東口從
布朗郭宗之南。帛噶爾角克之北。迤邐而西。至
功噶爾拉背面山脚而止。是爲西口。過此又翻
一山。方抵木果木。與昔嶺對峙。臣上冬由布朗
郭宗進攻功噶爾拉。起程之日。卽由簇拉角克
東口過山而西。歸入牛廠正道。此東口卽劉秉

恬摺內所稱簇拉角克溝口。距布朗郭宗不過

十餘里者。臣查乾隆十三年進剿昔嶺。所設糧

臺。一由喀爾薩爾至昔嶺。計程三站。此乃已過

牛廠。及功噶爾拉了口。由喀爾薩爾前進之路。

一從布朗郭宗至昔嶺。計程七站。此乃經由木

波等寨。順簇拉角克溝。進抵木岡昔嶺之路。至

此番欲圖速掃賊巢。是以由了口傍北。開闢道

路翻嶺西行。由簇拉角克溝之西口。又過公布爾山。鑿冰爲級。復經樹林口。進抵木果木。此一帶路逕。從前用兵時。未經開出。而功噶爾拉原係兩金川分界。功噶爾拉了口以東屬小金川地方。由了口傍北翻山而來。卽入金川境。已有數十里。臣從木果木至昔嶺。察看形勢。在功噶爾拉了口之正西。中間巴都智固德爾拉等處。

一望積雪。約有四五十里。現在官兵所駐木果木前敵營盤。下視喀爾薩爾在正南。不過數里。

而中隔大溝。林箐叢密。難以逕下。其功噶爾拉

了口。轉在木果木之東南六七十里。是大兵已

過功噶爾拉山。惟未從了口行走。至噶拉依。則

去現在兵到之處。計程不過四五十里。臣惟有

竭力攻勦。如昔嶺一經得手。則進抵噶拉依賊

巢較之由功噶爾拉了口行走。近至過半。臣謹

遵

旨繪圖貼說恭呈

御覽。奏入。

上嘉之。

同日。溫福又奏言。前兩奉

諭旨。臣當卽嚴切行知董天弼速赴丹壩帶兵防範。

毋致稍有疎懈。並遵

旨調五福赴布朗郭宗駐扎。一切安撫降番。巡查後
路之事。令其就近稟商劉秉恬。妥爲經理。奏入。

上諭軍機大臣曰。前以丹壩地方緊要。曾諭董天弼

往彼防駐。嗣經阿桂奏董天弼前隨阿爾泰辦事

意存姑息。於丹壩駐防非宜。故復諭溫福等。卽令
五福前往防守。今據溫福奏到。接奉前旨。已嚴飭

董天弼卽赴丹壩。並調五福赴布朗郭宗。此時卽毋庸復調五福前赴丹壩。總之丹壩布朗郭宗兩處。巡防事宜均屬緊要。轉不必拘泥前旨。彼此往返更調。徒致稽延。溫福阿桂正在進兵之時。無暇辦及此等事務。著傳諭劉秉恬。就此二員內現在何人已赴丹壩。卽令所留之人在布朗郭宗一帶。經理撫輯彈壓諸事。

同日。劉秉恬奏言。臣前此奉

旨。飭令於美諾布朗郭宗丹壩等處。添駐官兵。原擬

派調川兵二千名前往。嗣因川省存營兵數無

多。是以酌減至四百名。今各營業已預備起程。

但現在綽斯甲布魯兵。自應將此項兵丁。撥往

應用。至溫福前

奏將分駐美諾之兵五百名。撥赴丹壩復經。臣

奏請仍留美諾。卽以在省調撥之兵。如數派往。以
歸便捷。今丹壩一路。旣無庸更添兵丁。是此項
官兵。本可停止。但起程已久。此時將次可抵丹
壩。查丹壩一帶。卽爲宜喜軍營糧運後路。且距
綽斯甲布甚近。豐昇額如有需用之處。卽可就
近調取五六百名。合之前項兵丁四百名。共計
千名。似亦足資防剿。奏入。

上諭軍機大臣曰。前因豐昇額由綽斯甲布一路進
剿。恐原有兵力稍單。是以諭令溫福等酌量抽撥。
調往協剿。今據劉秉恬奏稱。前調川兵四百名。已
經撥往應用。又溫福請將派駐美諾之五百名兵。
撥赴丹壩。嗣劉秉恬卽以在省調撥之兵。如數派
往。共計約有千名。綽斯甲布添此兵力。自足以資
防剿。是阿桂昨請添調黔兵之處。更可無庸再辦。

同日劉秉恬又奏言。臣前經奏明親赴木果木

大營沿途查辦一切事宜。隨於二月二十一日

自美諾起程。行至崇德地方。卽遇大雪。次日始

抵功噶爾拉。查該處糧臺。卽安在半山。距賊甚

近。臣李煦現帶兵三千名駐守。自可無虞。惟

是功噶爾拉地氣極寒。四山皆雪。甫經設站。人

夫尚無棲止之所。臣於附近站所。飛調篾蓆。搭

蓋窩棚。又湊集舊帳房二三十架。俾各夫免露處凍斃之虞。而軍糧藉迅速轉輸之力。經理既

竣。卽於二十四日啟行。翻越雪山兩座。路過簇

拉角克西口。該處卽係布朗郭宗運糧接濟之

路。覆加查詢。並專差營弁履勘情形。據稱簇拉

角克溝西口至東口約六七十里。多係土路。雖

屬偪仄。尚易開修。由溝口通至本波地方。便合

帛噶爾角克磧。及布朗郭宗大路等語。臣查乾

隆十二三年進剿金川時。昔嶺一路原由木波

等處設站。今若將此路開通較爲平易。臣於數

日內赴美諾時。卽取道往勘。如所言屬實。除將

留駐功噶爾拉兵糧。仍從美諾運送外。其木果

木軍營糧石。卽可由帛噶爾角克簇拉角克溝

轉運。辦理似爲便易。臣於二十五日抵木果木

軍營隨赴前敵。觀看形勢。賊番所據峯巒險峻。

堵禦甚密。二十五日進攻。雖斃賊番頗多。搶

獲礮卡二處。尚未能佔據山峯。將軍溫福現又

妥籌以期克取。再臣自功噶爾拉前至軍營上。

嶺下坡路極陡滑。中有山梁一道。俱由梁上經

行。梁下卽係賊番。相隔不過二三里。所派鎮將

各駐要隘。防範綦嚴。惟運道新開。山高徑滑。各

諸將各率一軍二十五村進攻...

復剿平二處前未能佔據山...

攻奪以期克取...

勦盡匪徒不殘餘存...

水交調練方器並商...

夫得重項賦辦...

平定函金川方畧卷之五十三

三月壬寅豐昇額舒常奏言

臣

豐昇額查達爾

圖山頂。係金川緊要門戶。如一攻獲。勢俱自上壓下。且距勒烏圍賊巢路近而直。若定期攻取。預傳各營辦備。恐賊人知覺。併力死守。仍難一舉而克。臣豐昇額因於每日子丑間。令巴圖魯侍衛及將弁等。分路帶兵前往達爾圖坡下密

樹林內埋伏。隨時察視賊番之隙。相機襲取。茲
二月二十八日。賊於黎明大霧迷漫之際。約有

五六百人。分作三股潛來。希圖劫掠貯礮營盤。

被瞭哨兵丁望見。報知守柵巴圖魯侍衛佛倫

泰。巴三泰等。一面放鎗。一面帶本柵官兵前往

壓擊。正在勦殺之際。恰遇臣派往左手埋伏誘

敵之兵。將賊番衝截。攪殺一處。立殲賊番五六

十名餘賊被傷。滾入深箐。官兵乘勝追殺。直至
澗底。砍取首級。而回。其右手派往之巴圖魯章
京官達色等。卽率兵合力抄殺。賊番見勢勇猛。
不敢接應。俱躲在礮根。盡力施放鎗礮。臣亦將

大礮及劈山礮。向賊叢中施放。又轟斃數十人。

餘賊竄匿。至臣舒常攻取日旁。現在籌畫制勝。

惟道路寫遠。銅筋尚未到營。臣舒常留心察看。

賊番近日防守嚴於夜而忽於晝。又值耕種之時。日間偷出礮卡耕作。亦所不免。臣因欲籌白晝進攻之舉。先於每日派兵七八百名。在礮臺左右相近賊礮。使其習見爲常。疎於防備。另選奮勇官兵。俟有可乘。突然進取。以期制勝。

同日豐昇額舒常又奏言。臣豐昇額自抵宜喜軍營。卽嚴飭各營將弁約束兵丁。凡取柴汲水。

必令聚集同往。毋致脫逃。迷失。並逐日派員查
點。今據各營領兵將弁陸續稟報。取柴汲水之
人。迷失六名。巨等業將該營千把總咨革重加
責處外。因思賊番屢放夾壩。掠害官兵。我兵亦
可設法痛殲。以抒憤恨。隨於賊番出沒之處。派
出奮勇兵弁埋伏密林。俟有賊番潛來。乘其不
備。衝出搜殺。現經數次。已殺死數十人。當將各

獻首級兵丁獎賞。以示鼓勵。至賊番屢被截殺。其偷放夾霸伎倆。亦必漸無所施。均奏入。

上諭軍機大臣曰。豐昇額等奏設法進攻達爾圖。看來金川賊番於防拒諸事。較之小金川尤有算計。每圖潛行劫掠。甚爲可惡。今我兵均能預先知覺。妥爲防範。便可無虞。現在豐昇額等。或晝或夜。隨機攻剽。所辦俱好。亦祇可如此。至所需鑄礮銅筋。

關係緊要。已諭劉秉恬上緊趲運。並令富勒渾速
籌接濟豐昇額等於銅勛物料解到時。卽趕鑄大
礮轟擊。剋期集事。至達爾圖山梁。拒守旣堅。自係
其險要門戶。想日旁一帶亦然。豐昇額舒常現在
分路進攻。不拘何路先克。卽可乘勝迅入。但合計
豐昇額舒常兩路之兵。俱不甚多。專事分攻。尚恐
不能得力。今或於山旁地方酌量留兵少許。以綴

平定回疆方略卷之五十三
四
賊勢。而密撤日旁之兵。潛往達爾圖併力攻打。以
出賊番不意。或卽能得手。亦未可定。著傳諭豐昇
額等。善爲籌酌。至豐昇額等。奏賊番屢放夾壩。亦
令官兵潛伏殺賊等語。所見甚是。此亦將計就計
之法。卽溫福阿桂兩路。均當倣此辦理。

同日。豐昇額舒常又奏言。查丹壩距官喜軍營
約百餘里。中隔高山大河。去歲該土司因力量

單弱。請派官兵護守。業經董天弼派漢土兵七
百名帶往駐守。查此七百名。係溫福撥給。臣六
千兵數之內。因該處路通金川隘口甚多。最關
緊要。故未撤回。今奉

上諭。令董天弼赴彼帶兵駐守。但董天弼未到之先。
現無大員統轄。臣等酌委副將李天佑暫駐丹
壩。俟董天弼到彼時。仍令李天佑來營隨勦。奏

入報。

聞。

甲辰。溫福、海蘭察奏言。臣等分路攻剿昔嶺。自

二月二十七日以後。大雪數日。高處積至二三

尺。泥深徑滑。未便仰攻。惟晝夜放礮轟擊賊碉。

第思賊番知大兵會攻昔嶺。現俱蟻聚死守。於

功噶爾拉防禦稍疎。亦未可定。如出其不意。突

往攻擊或望有濟。遂於三月初一日。派烏什哈達曹順等帶兵千名前往。會同李煦常保住等。添撥該處官兵。協同襲擊。旋據烏什哈達等報稱。是日至功噶爾拉。會合該處將領。分兵三路。於初二日寅時進發。官兵不避鎗石。奮勇直前。曹順及賞戴花翎司轡托爾托保。帶領瓦寺鄂克什土兵七八名。越眾先登。逼近賊番第一卡。

殺死十數人。此時中路官兵已至卡牆根下。有賊數百人前來應援。為官兵殲斃甚多。其從右邊前進之兵。進至山峯之上。殺死礮內拋石放鎗之賊。亦復不少。攻至巳刻。而賊番抵抗愈急。始行撤兵等語。臣等現派人在昔領附近偵探路逕。仍催取鑄礮物料。一俟解到。卽鑄大礮。轟破昔嶺大礮。乘機掃穴。奏入。

上諭軍機大臣曰。溫福等奏分派官兵猝攻功噶爾
拉山口。都司曹順及賞戴花翎司轡托爾托保。奮
勇殺賊。實爲可嘉。著各賞緞二疋。士兵七八名。各
賞銀兩。卽從彼處支給。

同日。

上又諭軍機大臣曰。溫福奏現在軍營積雪高阜處
尚二三尺。似此冰雪凝寒。自難急於著力。官兵遇

有殺賊攻礪之事。原當勇往向前。若於凍滑中冒
險而行。轉屬無益而有損。且溫福等現在帶兵之
人。俱非懦怯不前者。斷不慮其托故遷延。倘冒昧
輕舉。致士卒稍有挫礙。實覺不值。而將軍及諸大
員。尤不宜履險徑行。所關甚鉅。今已時屆春深。日
就和暖。雪旣少而凍亦漸消。約計閏月以後。人力
卽易於施展。溫福等惟當蓄銳待時。以期制勝。又

何必急急於此日耶。至賊衆所恃。惟知踞險。此外更無他技。今各路進剿。務在擣其巢穴。諒賊番必不能久抗。卽或未能滅此朝食。亦不過時日稍延。溫福等當深體朕意。更無庸慮及軍中用度之不足也。至需用大礮一事。若美諾所存。可以運往固屬甚便。倘或路險不能。亦勿勉強。頃已諭令溫福劉秉恬會商妥辦。如竟商有可運之法。則沿途當

派得力將領帶兵防護。切不可僅委文員率夫搬運。劉秉恬於此一節尤宜加意。毋稍踈虞。至於礮之炸裂。究係火候功夫不到。蓋銅料必須鎔鍊淨純。不使稍存砂眼。方能勻整得用。卽鑄造時。每位多費數日鍊銅之工。雖緩而可以經久。勝於急就之另煩冶鑄多矣。

同日溫福又奏言。番地五月尚有大雪。官兵單

斗篷帽罩每套止需價銀四錢八九分而兵丁得沾實惠較之帳房更爲便利若將此項銀兩歸於核減數內似非所以推廣

皇仁。臣現擬咨明督臣將餘剩銀兩再行採辦二萬套陸續送營隨時給領奏入。

上嘉之。

同日

上又諭軍機大臣曰。現在官兵分路進剿金川。雖值大雪。未能剋期深入。向後天晴日暖。便易於得手。要之此舉有進無退。不滅不休。况各路兵精糧足。而運餉一事。董催籌辦。並有專司。自可無虞不繼。新正業經降旨撥部庫銀五百萬兩。解川備用。連前共一千九百餘萬。未知此項銀兩足敷幾時之用。目下軍務尚未就竣。或再遲數月。亦未可定。國

家帑藏方盈。卽再撥數百萬。仍屬寬然。著傳諭劉秉恬。富勒渾。將已撥之項。通盤核計。約可用至今年幾月。如尚須續撥。務預行奏聞。則自京撥往。更可從容運解。沿途亦不慮稽延。且軍需備項有餘。諸事皆便於措置。果用之得當。朕必不稍有所靳。劉秉恬。富勒渾。卽速核實覆奏。至於運糧人夫一事。最爲緊要。從前阿爾泰初辦時。茫無定則。旣將

遠道民夫亦同派往。致愚氓憚於遠涉。接踵逃亡。甚至因而派及里下。尤非朕子愛元元之意。會屢降諭旨。令各妥協籌辦。究未知經理若何。卽如逃夫一節。如果受雇在官。按例給價。並非白用民力。此而敢於逃匿。悞公自當懲之以法。倘係地方官辦理不善。或奸胥蠹役。從中侵扣雇值。致令長途奔走。饑餒困乏。不得已而中路潛逃。其咎又不專

在民。卽當查明舞弊官役。盡法嚴治。日前劉秉恬曾奏及此。已如所請。但劉秉恬現在軍營。派夫乃內地爲政。自當責成於富勒渾。川省辦理軍需。一切皆官爲給發。從不肯絲毫擾及閭閻。而輓運之勞。自不能不稍資民力。旣已予之雇值。又復蠲緩頻施。民非無良。豈有不知感奮自効者。今在站之夫。或有逃匿。已交劉秉恬等隨時嚴切查拏。自可

漸知守分畏法。至於各屬撥用人夫時。富勒渾當
留心體察。若有不肖官吏。或擬派不均。或藉端科
斂。致鄉愚情不能堪。釀成事釁。所關匪淺。且川省
向有咽喉。一種最爲不法。設或經理失當。使此輩
乘隙妄爲。尚復成何事體。今邊徼軍務未竣。內地
尤宜加意撫輯。倘不實心察吏。致民情稍不寧帖。
惟於富勒渾是問。恐彼不能當其咎也。

臣等謹按金川用兵以來。一切軍儲均支

帑項。至運糧人夫。啟行則有安家銀兩。在途則有

口糧。到營又有工價。且因口外食物踊騰。屢

增雇值體恤

深仁。至優極渥。而凡道途奔走。困乏饑寒。靡不上煩
宵旰。愛民如子之誠。淪肌浹髓。是以夫役人等。於軍
營戰鬥之地。毫無畏阻。雖復山險雪深。往來

踴躍而內地之各安耕鑿。熙皞無異常時也。

丙午。阿桂明亮奏言。臣等查當噶爾拉山梁形

勢險峻。前此從納圍納扎木進取。俱係向上仰

攻。雖佔據靠西山梁。與賊地勢相等。亦只一面

用礮轟擊。作三路進取之勢。今旣於克礪處所

修立營卡。橫截賊礪。不但各礪賊番難以彼此

照應。而官兵與賊已共在一道橫梁之上。當將

趕鑄大礮。運至新立營盤。東西分擊。昨復相度地勢。令官兵將營卡展開。逼近西面賊礮轟打。是前次之三路進攻者。今已成五路。賊勢漸形窘迫。每日惟潛藏礮內。偶於礮眼放鎗。及於遠處放礮。而官兵因相離不遠。更易於察看。偶有往來踪影。卽放鎗礮。是以數日以來。擊死賊番不少。賊亦不敢復多出入。其西邊之礮。距礮甚

近力量猛而有準。現已一半頽墮。其東邊碣座
雖堅。然亦已多洞穴。惟是雨雪連旬。兼以大霧。
往往咫尺不能辨別。况凍融泥滑。官兵行走爲
難。臣等心急如火。總須快晴幾日。卽行攻撲。以
期必得奏入報。

聞。

同日。劉秉恬奏言。臣准董天弼稱。近據綽斯甲

布土司遣人投稟。有該處從前被擄番民。自金

川逃回。聞得金川人說。大板昭地空人少。要差

人去探聽等語。臣查近日小金川番衆。自金川

逃出者甚多。來時逐加查問。並無此語。且大兵

現住縲斯甲布地方。此信果真。該土司應卽稟

明將軍叅贊。以憑查詢。何以僕僕道途。遠赴布

朗郭宗。轉向提督告知。其傳聞之言。雖不可不

信亦不可全信。臣現住簇拉角克。因距布朗郭

宗不遠。就近前往查勘。傳詢該處領兵將備。據

稱大板昭等處。現住官兵七百名。近日甚為寧

謐等語。臣查番地跬步皆山。處處險要。今既派

兵七百名駐守。以之攻戰則不足。以之防禦則

有餘。臣又近在簇拉角克地方。亦可隨時照應。

現在飭令駐守大板昭備弁官兵。嚴加防範。奏

入報

聞。

同日阿桂又奏言。查自前年進兵以來。各路逃兵。他省調來者尚少。而川省獨多。卽川兵內制兵尚少。而未經補額之新兵最多。蓋緣此等新募之兵。半係游手無賴之徒。是以臣一抵南路軍營。卽將卡了及革布什咱兩路新兵沙汰一

千餘名。其肆意潛逃者。尤不可不嚴速緝拏。立

予正法。以昭懲儆。

臣

自署提督印務。除據將領

等一面報逃。一面通行躋緝外。惟恐各路員弁

視爲具文。於上年四月至十一月。三次嚴催。並

兩經移咨督臣轉飭查辦。本年正月內。湖廣督

臣

富勒渾來川署事。

臣

復札寄。以逃兵之案。拏

獲卽應速辦。不可如尋常命盜案件。招解審擬。

平定回疆方略卷之五十三
三
輾轉稽遲。是以富勒渾將逃兵伍君相等。訊明正法。其在軍營近處拏獲者。如從前之王應元一名。及近日之李富春等三名。皆經立置重典。查得南路一路。及綽斯甲布韋布什咱兩路。共計逃兵一百五十五名。地方官報獲者尚少。今蒙

諭旨查詢。理合據實聲明。

同日。劉秉恬又奏言。臣欽奉

諭旨。令照將軍溫福所奏。設法嚴緝逃兵。但查摺內。所稱盤詰之兵。但係附近口內地方。距軍營尚遠。詳加籌酌。尚有口外鄂克什一路之卧龍關。跟達橋。木坪一路之溝口橋。丹壩一路之維關。南路之章谷橋。又口內之青雲營。漩口。汛等處。俱往來必由之路。自應一體派弁撥兵。設卡盤

平定回疆方略卷之五十三
二十
詰。惟現當軍興之際。行人絡繹載途。勢不能逐
名詰詢。是必先定稽查之法。庶可杜逃脫之漸。

臣請嗣後凡有遣回進口之人。俱應給與照票。
在營者將備給發。在站者糧員給發。鈐蓋印信
戳記。卡兵驗放始行。至各站夫役及隨營貿易
人等。亦領有本站糧員執照。始准進口。以除冒
混。如此則考驗不煩。而稽查有據。逃兵自不致

任意免脫。至各處要隘所需員弁。現在飛行揀派。其放卡兵丁。亦已就近調撥。俱嚴飭實力查拏。不得稍有疎懈。均奏入。

上諭軍機大臣曰。前因川省軍營兵丁脫逃者爲數甚多。曾諭令溫福等查明覆奏。今據阿桂奏到。可見該省辦理殊不認真。富勒渾現署川督。駐扎成都。此事乃其專責。著傳諭該署督。嚴飭各屬。令地

方文武大小官弁。於逃兵原籍鄰境。上緊躡緝。一
有捕得。卽於該處審明正法。不必解赴軍營。復致
中途免脫。惟將擒獲正法。各犯姓名。知照軍營。曉
諭各兵。使知儆畏。仍將辦理緣由。具摺奏聞。至劉
秉恬係實授總督軍營之事。亦所專司。並著傳諭
一併嚴飭所屬實力查拏。如有仍前怠玩從事者。
據實叅究。至劉秉恬另奏嚴定查緝逃兵章程一

摺。所議甚當。卽照此辦理。

同日。阿桂。明亮。又奏言。查此次官兵進剿。當噶爾拉。所鑄大礮。用之一二日。卽易炸裂。臣等不
但因改鑄需時。心存焦急。亦恐兵丁受傷。乃近
日礮裂時。毫無傷損。此皆上賴

皇上威福。

天神垂佑。兵丁等得藉以無恙。茲復仰荷

聖慈諄諄垂詢。曾否傷人。凡在行間。自無不動心之

理。臣等已通傳各營。令兵丁等益知感激。奮勇

圖報。再。臣阿桂久在軍營。於鑄礮事宜。閱歷稍

多。當初造之時。鍊銅欲淨。及既成之後。試響宜

清。苟工夫火候之俱全。自不致有他慮。無如。臣

等進攻心急。不暇更番鎔鑄。多延時日。是以不

無損裂。現在。臣等當噶爾拉一路。所鑄礮位四

聞。

座運至各山梁分頭轟擊。均尚爲得力。奏入。報

同日劉秉恬又奏言。臣於三月初三日自木果

木起程。午間行抵簇拉角克。卽從該處溝口取

道前進。沿途查看。多係偏坡土路。積雪已漸消

融。其一二陡峻處。均易修理。查由功噶爾拉至

簇拉角克。係新開之路。人夫負重。運供不免稽

遲。今查此路情形。比功噶爾拉一帶。較爲平易。且乾隆十二三年。進剿金川時。原經轉運。自應仍於此路安設臺站。俾得迅速通行。以濟軍食。再查木果木舊有糧臺。共計十四站。今臣將道里遠近。親加核算。酌中安設。只須七八站。直達軍營。合之舊例。有減無增。至功噶爾拉防駐官兵口糧。仍可於哲爾覺。崇德。牛廠等站酌留人

夫。運送接濟。奏入。

上嘉之。

同日。

上諭內閣曰。博靈阿自効力軍營。頗屬奮勉。昨因攻撲賊礮。致被鎗傷。方冀迅速就痊。佇膺懋賞。今據阿桂奏聞。受傷溘逝。深爲憫惜。著加恩賞給都統職銜。仍照贈銜給予卹典。其應得世職。並著該部

照例查辦。

平定兩金川方畧卷之五十四

三月丁未。豐昇額舒常奏言。臣豐昇額籌攻達

爾圖大卡。輪派官兵密往前敵。察看賊番動靜。

邇日以來。出入往來。較前稀少。又接准舒常札

知。定於來日進攻。臣卽與領隊大臣等密議。乘

其猝不及防。令兩路埋伏之兵。由漸而登。將近

礮寨。突然齊上。奪其一二礮座。卽可以次攻獲。

或截斷賊番聯絡之處。使之進退兩難。必見潰

敗。遂令左右兩路伏兵進發。臣豐昇額率福康

安。馬彪等督兵接應。官兵努力。爭先踴躍。進至

半坡。賊番始覺。向下放鎗擲石。官兵蜂擁而登。

內巴圖魯侍衛佛倫泰等首先衝至。砍斷木欄。

巴圖魯藍領侍衛富爾賽等。卽擲火彈將護礮

短牆攻破。牆內賊番忙亂。各思奔竄。俱被官兵

殺死。隨進攻前面大礮。賊番挖掘重壕。其外積
雪凝冰。堅滑實難措足。而賊番轉在濠中抗拒。
自午至酉。斃賊約八九十名。因天色已晚。撤兵
仍舊埋伏。此次雖未能遂願。而士氣奮揚。綽斯
甲布頭人松乃等。見官兵如此勇往。亦督催上
兵向前。至臣舒常於三月初二日攻取口旁派
令侍衛普濟保等。各帶官兵前進。衝冒鎗石。直

抵壕邊。壕塹甚深。卽用蜈蚣梯垂下。亦不能及。

濠底。因令官兵卽將所備柴捆排立溝沿。以禦鎗石。用噴筒火彈攻擊溝中潛匿賊番。賊均被燒傷斃。而礮卡內之鎗石益爲緊密。臣派叅將

馬應詔帶土兵三百名。從北澗箐林中潛往夾攻。賊番窺見。由礮下壓官兵橫放連環鎗擊斃三四十名。餘俱逃入礮卡內固守。奏入。

上諭軍機大臣曰。豐昇額等可派兵攻剿。雖未能破其
礮卡。各員內如佛倫泰等。俱能鼓勇爭先。擊殺賊
衆。亦屬奮勉。俟將賊礮攻得。再行議叙。其官弁兵
丁內之受傷陣亡者。俱著查明咨部。照例賞卹。至
於冰雪凍滑。官兵難以徑進。亦只可如此相機酌
辦。現今已屆春深。天氣日漸和暖。大約月閏以後。
雪霽冰融。自更易於用力。總之三路之兵。不拘何

路得手。其餘各路賊衆。勢將自潰。便可迅奏膚功。
著傳諭溫福等。各宜努力籌辦。佇聽捷音。

辛亥。溫福、海蘭察奏言。臣等進攻昔嶺。相度地

勢。分駐官兵。離賊碉遠近不一。每次打仗。皆前
一日各營派兵。乘夜前進。至打仗時。不無困乏。
查副都統額森特駐兵昔嶺山根。從此拏卡十
數座。直逼賊碉。放礮轟摧。旣近。而打仗之際。令

坐卡兵丁。前進攻取。更爲便捷。臣等派領隊大

臣富興。巴朗等會同額森特。一面帶兵預備打
仗。一面聚石伐木。卽從駐兵之處近逼賊碉。共
拏卡十六座。中間建立礮臺。現在上緊轟擊。臣

等又與督臣劉秉恬商議。將美諾存貯三四號
礮兩位。先行運至。與現鑄之三號礮。一同施放。
俟大礮鑄得。乘此天氣稍晴。卽進兵奪取昔嶺。

再官兵已將木果木之南三條山腿佔據。惟因山腿之下。阻以大溝。甚深且險。而兩邊山巖。又俱峻削。荆箐滿溝。極爲叢密。賊於此接連建卡。嚴密堵拒。查副都統阿爾蘇納。已經佔據前面中間兩山腿。如今將所帶之兵。拏卡進至溝邊。便可相機進取。現今拏卡二十餘座。賊情甚爲窘迫。間或乘空潛來侵擾。我兵奮勇擊殺。每次

毫無得利。臣海蘭察帶兵一千五百名。逼近攻擊。一俟賊礮頽毀。併力進取。奏入報

聞。

同日溫福奏言。查功噶爾拉及昔嶺。均係乾隆十二三年進剿要路。山險礮堅。賊番於此兩處。悉力死守。以道里計之。一過昔嶺。則距噶拉依賊巢更近。是以臣前此籌酌。由功噶爾拉北邊。

開鑿冰雪。覓道繞至昔嶺進攻。茲奉

諭旨。據虎兒所供。由昔嶺分路下去。右手可到勒烏

圍。中間只隔幾個小寨。左手可到噶拉依。中間

有色爾里地方等語。臣自抵木果木。每日於各

山頂偵探形勢。及進剿之時。留心察看。昔嶺賊

礮排列。自東而西。俱佔踞層巒之上。據番人指

點告稱。昔嶺西峯盡處。色爾里寨。卽在其下。由

彼前進。卽係噶拉依。但均爲昔嶺所蔽。不能望見其昔嶺右手。亦據稱有路可抵勒烏圍。但山陰雪深。溝底狹窄。林箐叢密。沿路礮卡甚多。必俟攻過昔嶺。方得查訪明確。奏入報

聞。

同日溫福劉秉恬奏言。臣等欽奉

諭旨。令將出力屯土各兵。加以獎勵。仰見

皇上體恤軍行之至意。臣等當卽傳集各兵宣示

恩諭。無不感激歡呼。倍思報効。查臣溫福自前歲進

剿以來。所有屯練及瓦寺等土兵。實屬得用。屢

經奉

旨加恩。與官兵一體賞賚。此等番人。尤以頂帶爲榮。是以每遇接仗之際。留心察看。有奮勇撲礮者。酌賞職銜。給與委牌。以示鼓勵。至此內屯練一

項與各土弁土兵不同。從前乾隆十七年誅滅
雜谷土司蒼旺。將雜谷腦改土歸屯。所有屯兵
三千名。原設土守備千把外委等九十餘員。以
資管轄。每員給與養贍銀。自二十四兩至六兩
不等。但父故子襲。均定有額數。此等土弁帶兵
在營者。遇有奮勉出力之處。卽與加陞職銜。而
其回屯後所得養贍分例。仍照本職。並無增添。

其由屯兵給與職銜者。又在原設額缺之外。更

無養贍可給。近准署督臣富勒渾議將此等打

仗奮勇。由屯兵賞給土弁之人。不論是何職銜。

將來凱旋後。照額設外委之例。減半酌給。每名

每年給與養贍銀三兩。於司庫平餘項下支領。

現已傳諭各屯兵知悉。但此等額外弁員。因其

隨營出力。酌給此項銀兩。自應及身而止。毋庸

議襲庶不致於原設九十餘員之外。更滋糜費。
再瓦寺木坪鄂克什。三雜谷所派隨營帶兵各
頭人。查土司屬下。有土守備等員。原係該土司
自行補放。亦有乾隆十二三年用兵時。經統兵
大臣賞給職銜之人。臣溫福此次進剿。察其超
衆出力者。屢經專摺

奏明。蒙

恩賞給名號花翎。其餘隨時効力之士弁。土兵亦經

臣量加拔擢。伊等實覺榮幸非常。互相勸勉。但

係土司屬下。與帶領屯練之士弁各別。祇與空

銜頂帶。將來毋庸給賞。惟現在出兵之時。該土

弁等所得鹽菜銀兩。舊例每日四分。較土兵多

給銀一分。其口糧止准一升。與土兵並無差別。

伊等以土職帶兵。亦有跟役。而大兵笨入覓食

愈報。是以臣温福行令軍需局詳議。各土弁鹽菜銀兩。於常例外再添二分。其口糧一項。請將土都司照綠營千總之例。准帶跟役三名。日給口糧四升。土守備及千把照綠營外委之例。准帶跟役一名。日給口糧二升。伊等日食既得稍克。且與兵丁畧有區別。於管轄行走事宜。亦爲有益。其帶領屯兵之各土弁。亦一例辦給。統俟

奉到

硃批。咨明當噶爾拉綽斯甲布兩路軍營一體辦理。
奏入。

上是之。

壬子。阿桂明亮奏言。納圍山腿之旁。樹木叢雜。

賊番往往偷來潛伺動靜。臣等令官兵於每日

丑刻以後下溝。至日出後賊番瞭望可見之時。

先回一半。其餘一半。仍行潛伏。使其不覺。以便

勦殺。三月初九日辰時。果有賊數十人。陸續伏

地爬來。我兵上前截殺。擊斃十餘名。維時我兵

尚在崖坡追擊。其山梁上賊衆俱集於卡內向

南一面。往下放鎗接應。臣等令官兵將大礮對

準施放。當將卡牆正中擊穿。礮子從賊叢中直

過。眼見擊中六七人。賊匿入地窖。情頗窘迫。惟

是日來晴雨不定。初十日夜雪尤甚。營盤左右積至二三尺。山陡路滑實難措足。臣等不敢坐守。現在督率官兵乘夜冒雪增築礮臺。俟晴攻取。奏入報

聞。

同日阿桂又奏言。查綽斯甲布一路進兵最關緊要。本年正月間。工噶諾爾布遣其頭人來營

請安。臣告以聞工噶諾爾布頗有心胷。從前金

川將綽斯甲布官寨大門砍破。又殺汝土司族弟革布什咱土司。汝土司因有重仇。不肯修整寨門。以示必欲報仇之意。今大兵進剿金川。汝土司正當乘時洩忿。不應尚有游移。現在十兵三路分攻。各土司無不出力助剿。金川指日滅亡。原不藉汝土司兵力。汝土司當自行酌量等

語使其知所愧奮。嗣該頭人去後。工噶諾爾布復遣僧格爾嘉勒來營。吓臣又將不滅不休。

各緣由反復詳示。僧格爾嘉勒頗能領會。查僧

格爾嘉勒族兄松乃。係綽斯甲布大頭人。善於

帶兵。向與金川有隙。去年因被霍爾章谷拘留。

經臣嚴飭放回。後又患病。是以未及領兵打仗。

今松乃已往宜喜督兵。自必較前奮勉。而計僧

格爾嘉勒此時應回該處。工噶諾爾布亦必專
心助勦。奏入。

上嘉之。

癸丑。豐昇額舒常鄂寶奏言。竊臣鄂寶於三月

初九日抵宜喜日旁軍營。與臣豐昇額臣舒常

會商後路駐兵事宜。並查覺木交地方。爲宜喜
日旁兩營後路。且係總匯之處。必須多貯軍糧。

以備兵食。又地面寬濶。在在深林密箐。賊番夾

壩。多出於此。臣鄂寶現駐覺木交。催趲糧運。卽

留心訪拏賊匪。以靜地方。惟是丹壩一帶。可通

金川隘口甚多。若以劉秉恬原擬兵數。尚覺少

單。必得多兵駐守。不但於全局有關。且可爲堵

截賊首逋逃之備。是丹壩之兵。不可撤至緯斯

甲布。斷無疑義。但溫福、阿桂擬調之兵。現未接

奉

諭旨。卽蒙

俞允。到營亦需時日。而綽斯甲布防。勦事宜緊要。查
川省屯兵。定額三千。有事爲兵。無事爲民。均係
生長邊地。與兩金川番衆無殊。登山越險。較綠
營兵頗爲得力。去歲西南兩路。雖調有一千數
百名。其中受傷陣亡病故者。仍歸本處充補。此

時若再調五百名。尚不致於竭蹶。且維州一帶。

距綽斯甲布甚近。倘蒙

允准。

臣

等卽便調取來營備用。奏入。

上諭軍機大臣曰。綽斯甲布現在需兵。而丹壩之兵。

又不宜減撤。自應酌量抽撥川兵。以備防勦之用。

但豐昇額等所奏屯兵。平時以耕種爲常。未必精於訓練。恐與新募之兵無異。卽使能登山越險。而

技擊未嫻。亦於軍營無濟。著傳諭劉秉恬。如川省
舊兵內。尚有勇壯可選者。卽派五百名。令其迅赴
綽斯甲布軍營。聽豐昇額等撥用。如舊兵不敷。卽
調屯兵。亦無不可。

乙卯。鄂寶奏言。

臣

於二月十八日。由美諾前赴

宜喜大營。查看沿途新設臺站。人夫馬匹渡船
等項。俱經理妥協。至糧石自分路進勒以來。除

南路木池協同運濟外。其由梭磨改運者。截至
二月三十日。共運過九千一百餘石。現均陸續
運營。加以木池協運。供支宜喜日旁兩營兵食。
尚有贏餘。目下情形。無虞缺乏。但查此項米石。
多係前此招商運至木了山。改運此路。現在大
營官兵員役。以及各站長夫。核計每月需米萬
有餘石。此時臺站雖經安設。而內地招商。並派

官運送之米。出口無多。恐不足資接濟。且此路糧運一有充餘。南路臺站即可裁撤。臣屢次飛

咨署督臣富勒渾。上緊督辦。以期無悞。奏入。報

聞。

同日。貴州巡撫圖思德奏言。查黔省各營兵數。上游共額設一萬六千餘名。川省兩次調撥。派出五千九百三十名。現存一萬有零。因恐軍營

續需調派。先在下游各標營內預選兵二千名。以備咨調。茲奉

諭旨。復於臣標暨上游提鎮各標選派兵一千名。同

派定下游之兵。共成三千名。仍分六起。派副將寶琳等統領行走。惟查各營官兵距入川總路。有十餘站至二十站不等。若令各在本營候調。恐稽時日。是以酌定營分。在上游者。令先赴畢

節制在下游者令先赴省城駐劄。一面飛咨

署威寧鎮臣福興並委糧驛道國梁先往入川

總路彈壓。再行知布政司將應借各兵棉衣銀

兩。先運貯畢節縣庫。至時卽令該鎮道等會同

散給。臣候軍營咨到。卽親往督催前進。再查硝

筋一項。軍務所必需。上年已令各屬熬就十萬

筋。以備咨取。臣復檄令該地方官於產硝處所

再爲熬備應用奏入。

上諭軍機大臣曰。前因阿桂奏請添調黔兵。曾諭令圖思德預行選派。聽候咨調。今據圖思德奏業經挑選預備。因念綽斯甲布兵數似覺畧少。或必須添兵集事。亦未可知。今軍需已撥至一千九百餘萬。卽因添撥黔兵。稍多費用。原所不惜。况黔兵旣已預備。未便遽令停止。設或將來仍復需用。又費

周章轉致多延時日。著傳諭豐昇額。將是否尚須
添調。及應調若干之處。就近與溫福。阿桂。札商妥
辦。

丁巳。劉秉恬。李煦。常保住奏言。臣劉秉恬於三

月初九日。行抵木果木。初十日。卽往後山梁。逐
加察看。其地在溫福軍營之北。上山約行五六
里。翻過山梁。陰坡積雪數尺。東北係小金川界。

越山則直接金川之勒烏溝。路通勒烏圍。德爾
森保與副將多隆武帶兵一千三百名。現於勒
烏溝口設卡五處。卡後營盤。駐兵策應。其附近
山梁及各要隘。安卡二十二處。分布巡防聲勢
聯絡。臣劉秉恬因我兵尚未深悉金川道路。令
熟諳徑途番人。遍歷各卡。詳細查詢。據稱所設
各卡。俱甚妥協。十三日前抵功噶爾拉軍營。遍

山積雪。氣候極寒。臣等查賊番所據了口。在功

噶爾拉之頂。我兵於山腰設卡。與了口上下相對。每日用礮轟擊。復於緊要之處。排立卡隘。晝

夜更番防範。至臣李煦常保住駐扎營盤。相距

石卡里許。時刻查看。守備甚嚴。尚無賊番窺伺。

至功噶爾拉形勢。賊番居高臨下。乘隙潛來。似便。但山陡凍滑。一經我兵追截。卽難退走。番情

惟利是圖。畏死尤甚。以此揜之。似不敢肆其伎
倆。奏入報。

聞。

已未。溫福。海蘭察奏言。臣等與各領隊大臣。察

看昔嶺賊碉形勢。第五碉最爲高聳。若得此碉。

則北面四碉。南面三碉。皆易攻取。今奉到發回

昔嶺地圖。蒙

聖明指示。令於第五六礮間。結卡攻逼。實與此間形

勢。恰中機宜。臣海蘭察率領官兵。連日以來。於

第五六礮間。共拏木卡五座。造一礮臺。運上三

四號礮位。向礮轟擊。當拏卡時。賊番因與其礮

逼近。冒死出戰。官兵均各奮勇。一面拏卡。一面

迎擊。殲賊甚多。所有木卡礮臺。與賊第五礮相

離不及一箭所放之礮。發無不中。十七日夜間。

賊礮及礮旁石壁大半破壞。是夜亥刻。臣等派

兵直上。賊衆抵拒。官兵不避鎗石。數次鏖戰。痛

加殲戮。至十八日黎明。下雪。官兵稍休。午間又

復冒雪前進。近逼礮根。攻挖緣。雨雪未止。官兵

久戰。衣皆凍濕。卽於賊礮就近結卡歇息。此時

力施大礮。必使第五礮全行摧塌。卽可佔據其

地。以便次第進攻。再前此阿爾蘇納所佔兩山

腿有賊二百餘。前來侵擾。阿爾蘇納等分兵夾
攻。大殲其衆。餘俱被創竄走。我兵趕至山腿。奪
取石卡二座。今往下拏卡。由兩山腿至溝底。共
已有三十餘座。但溝中林木深密。絕無行路。現
在搜捕賊衆。卽順便開道。俟渡過深溝。應於何
路進攻。再爲相機辦理。

同日溫福奏言。臣欽奉

諭旨。據阿桂所訊賊番伊什供詞。內有聽得功噶爾
拉一路打不進來。如今退出要走昔嶺等語。臣

查喀爾薩爾與昔嶺。均係從前進兵之路。當時
昔嶺之兵。由曾頭溝。布郎郭宗而進。喀爾薩爾
之兵。由美諾。功噶爾拉而進。是以糧運分路供
支。而官兵抵昔嶺及喀爾薩爾。祇隔山溝。調遣

原屬一路。臣此次進剿昔嶺。若按照乾隆十三

年兵行之路。繞回布郎郭宗而進。不免紆迴。

臣

惟恐稍有耽延。因卽從功噶爾拉了口北邊開路而行。查功噶爾拉一山。南北綿亘百餘里。

臣

所開之路。在了口北二里許。仍係功噶爾拉山梁。不過未由了口行走。此山爲兩金川交界。一

過山梁。卽金川賊境。已深入數十里。今在木果木山頂察看形勢。功噶爾拉了口。已在背後六

七十里。而下視喀爾薩爾。卽在目前。惟緣山溝
密箐。難以徑過。現在逐漸砍出道路。拏卡下逼。
若攻過昔嶺賊碉。不特可至喀爾薩爾。并可徑
攻噶拉依。是臣此次實已越過功噶爾拉。設法
進取。並未敢將官兵撤退繞行。且官兵由功噶
爾拉翻山而進。衝雪鑿冰。頗爲不易。兼以山高
氣冷。撲礮防卡。尤屬艱苦。惟因昔嶺已近賊巢。

人人思尅日蕝功。故一月以來。軍中無不踴躍
奮勉。臣前奉

聖訓。據虎兒所供道路情形。現在進攻之昔嶺。甚爲
扼要。祇緣礮堅路險。冰滑雪深。未能迅卽得手。
但木果木一帶地圖。業經臣屢次繪進。而從前
攻勦形勢。載在方畧。自蒙

聖明洞鑒。均奏入。

上諭軍機大臣曰。溫福等奏攻勦賊番第五碉情形。將領弁兵等出力奮勉。均屬可嘉。第因冰滑雪深。未能迅卽得手。原不必過於焦急。卽漸春深候暖。可望雪霽冰消。自更易於集事。溫福惟當相機妥辦。佇聽捷音。至另摺覆奏移營木果木一事。溫福初至功噶爾拉。原期併力進攻。嗣以該處徑窄碉堅。急難施力。因留李煦等在彼牽綴賊勢。自由間

山梁者。直下河邊。已繞過資哩西南兩面。而猶不能斷其河北沿山之路。查特克裕爾山之外。從得爾蘇山根。下至阿喀木雅。前經酌派官兵。往據山頂。攻得礪卡。因第四石卡在山凹突起之處。聚賊甚多。屢次攻擊。未能卽克。是以令官兵仍在特克裕爾山駐扎。相機另圖進取。昨奉諭旨。以阿喀木雅爲南北兩山要路。得此卽可剿殺。

資哩賊衆進攻美諾。臣等再四籌酌。阿喀木雅。自

應速取。而得爾蘇山凹突起賊卡。急切不能攻
破。自當覓道繞過。方能得利。探得從特克裕爾
山旁下溝。有小徑尚可攀援。通至得爾蘇。其半
山有密箐一帶。因派兵四百名。令總兵牛天畧
侍衛烏什哈達等帶領。於二月二十二日。乘夜
前往箐林深處埋伏。又派兵二百名。在箐林之

道繞至木果木與海蘭察合攻昔嶺。奏到時朕方

嘉溫福辦理之得當。深爲嘉悅。至阿桂前奏金川

賊番供詞。毫無關礙。溫福之語。朕之傳諭詢問。亦

以賊番旣知溫福等在。彼撤兵。必心生疎懈。轉可

爲出奇制勝之策。並未疑及溫福之退怯不前。且

溫福自功噶爾拉移營木果木。已由間道繞進六

七十里。卽使仍退由美諾等處。再赴昔嶺時。亦不

爲過朕實未因此稍存嗔責。溫福又何必過於疑懼。多心若此乎。大臣委任軍旅。爲國宣勞。朕時加體恤。苟非實有大過。無不格外矜全。卽平時有嫌之人。思欲逞私傾陷。其伎倆焉能在朕前嘗試。朕亦豈肯容其設計中傷。溫福在軍機處甚久。寧不知朕辦事光明正大。而爲此斷斷置辯乎。况將軍等奉命勦逆。所辦同係一事。原不宜稍分畛域。今

正當緊急進攻之時。溫福以大學士膺將軍之任。
尤當有休休之度。豈可以此等事芥蒂於中乎。將
此傳諭溫福阿桂。務當共體朕意。努力辦公。毋許
私怨。